

第九冊

卷之九

列女傳

割股附

藝文志

修志縣志

修武縣志卷九

修武縣知縣馮繼照纂輯

列女傳

易之家人六二在中饋无攸遂貞吉女子之正也
若喪其所天之死靡他傷矣况乎衰親弱子門祚
寒微處婦道之窮而終遂婦德之正表揚之典非
所以發微闡幽而成陰教乎然非有力者不能以
名達於

朝道光十三年復由禮部核準彙請總坊雖在鄉僻
窮殘皆得仰邀綽楔然則今之采入志乘者卽以
備後之

旌揚者也敢不愼歟

唐

趙氏女山陽人父盜鹽當論死女詣官訴曰迫飢而盜救死耳情有可原能原之邪否則請與俱死有司義之許減父死女曰身今爲官所賜願毀服依浮屠以報卽截耳自誓侍奉父疾卒不嫁

新唐書列

女傳

明

以節烈著者

秦氏張杲妻適杲三月杲以讐誣死秦屬其舅爲營壙令寬大舅未之知也杲柩至秦自縊遂同葬

時有作同穴記表之

王氏武陟人武生薛復亨妻復亨因母病祝以身代未幾果病且劇與王訣王曰君爲母死妾且爲君死復亨卒王自縊柩前萬曆七年旌

郭氏杜芳偉妻年十九崇禎五年流寇掠境恐爲

所污投窰而死邑人王玉鉉弔之以詩

崇禎壬申月已酉流

氛自晉倡天狗九月長驅入甯邑甯邑無兵城不可守可憐士女生別離盡被賊兵虜之走惟有郭氏未二十恐作人間失節醜荒巖幸有千尺窰一躍珠泥碎身首古來男子振綱常綱常反被婦人有我適聞之贈以歌歌罷涕零奠之酒願畱青史慰芳魂上與天長下地久

孫烈媛湛一嫡配邑人范正脈弔之以詩

弱媛戈鋌際捐

身如等閒盟心羞扶淚對面罷施鬟晚日胭脂淡墳松琥珀斑芳魂應自慰明月珮聲還寇弩而城

閩閨中永別身潘休嗟白鬢荀莫感傷神素月見
常流漢慈雲未斷雲牛衣曾灑淚寵到新垞見
范介子龍圖詩草注湛一嫡配失姓味詩意是崇
禎五年流賊破城氏懼辱捐身者

李女許字盧安義未婚而安義卒女喪服往弔不
肯歸葬夫之日持刃刺喉家人力救得免事聞郡
守諭父母勸女守節養姑乃毀容紡績以供菽水
崇禎壬申遭流寇之亂自經於土洞中邑令爲具
棺以殮康熙庚午文學杜芳泰盧槃等葬之南岡
立石紀事

薛氏生員楊某妻流寇之亂懼辱抱嬰稚自投於
水

以節孝著者

秦氏姜彥深妻少寡紡織事姑洪武二十八年旌
秦氏李允妻年十八夫亡撫孤苦節年八十五卒
成化五年旌

董氏陳芳妻芳以明經官遼州抵任數日卒子未
周歲董扶櫬歸葬守節教子年八十三卒宏治閒
旌

趙氏金璽妻夫亡守節事翁姑以孝聞宏治閒旌
張氏劉鈺妻鈺隨父幹之官溺死張年二十撫孤
守節及舅卒營葬盡禮年七十餘卒詔旌之

馬氏許某妻未婚而夫亡孝養翁姑苦志守節當

道皆紀以詩

明河北道僉事邢雲路五絕三首延陵猶有劍息壤未寒盟但以身相許

何須問死生

偕老原無分于歸幸有家宣爲陵

上栢不作路

傍花不識夫君面應憐處子身矢

心原一死生

爲舅姑貧

曹氏楊巍妻巍疾革與曹訣曰汝雖孕男女未卜

柰何曹斷髮自誓巍卒二月生子撫育甚至子卒

又撫其孫年七十五卒嘉靖十一年旌

王氏師舉妻夫亾奉七旬衰姑龐氏盡孝撫孤成

立孤又亾撫其孫四十餘年詔旌之

姜氏王三省妻三省疾時痛母失倚氏泣諾夫亾

事姑以孝聞撫子孫成立守節五十年詔旌之

李氏蘇海妻海卒遺孤曰崑曰崙崑娶張氏生子

秉彝崙娶李氏無子崙崙相繼天秉彝娶李氏又
天四氏撫嗣苦節學使者以一門四節旌之海爲
宋旗驥使蘇立後

崔氏秦來鳳妻鳳亾無子崔依姪以居苦節六十
餘年

馬氏秦陞妻夫亾苦志撫孤年九十以節終

田氏薛鍊妻守節四十餘年邑令旌其門

薛氏史載賢妻年十九夫亾氏克孝舅姑苦節終
身邵邑侯旌其門

王氏龐錦妻年十八夫亾無子苦節六十六年而
卒

宋氏吳自修妻撫孤守節七十餘年

燕氏王大妻夫亡守節事姑以孝聞

陳氏王孜妻孜亡兩月生一子撫之守節

宋氏崔淇妻淇亡撫孤守節

秦氏李鍊妻鍊亡撫孤守節

李氏解元王玉鉉妻二十二歲夫亡教子漸德成名守節五十餘年

國朝

以節烈著者

焦氏李守科

或作利

妻夫他往與女三姐同居比鄰

吳甲入室彊暴母女堅拒被殺康熙十九年旌

薛氏傳文鳳妻年十九將婚鳳忽病篤時議改期
薛聞之曰改期不愈將置我何地父母憐而遣之
夫亾越五年夫弟授室慨然曰奉姑有人可從夫
地下矣絕食八日死雍正三年旌

孫勦譔傳文鳳妻薛氏節孝傳

勦山東德州人

節孝修武縣庠生傳文鳳妻薛氏邑人薛道生女
也年十九于歸有日文鳳已病將不起父母欲改
期女曰改期則病可愈乎曰未可知也然則何以
改爲父母哀其志及期遣嫁旣入門卽侍夫疾衣
不解帶舅姑憐之諭令少息婦曰夫一息猶存婦
忍夫死而不目擊乎如是者旬有四日而夫歿婦

矢死以殉舅姑泣曰汝夫死而弟且幼吾二老人何依幸汝賢且孝其念老人因慟哭婦拭淚正色曰舅姑有命其敢違請姑無死以事舅姑撫幼叔也所親或勸別適得聘金以養老人婦太息曰是辱吾舅姑也吾十指尚存何患無養言者慚而去乃躬勤紡績寒暑晝夜無間粗糲自安而甘旨無缺又三年而舅歿哀禮竝至旣爲夫弟納婦每以勤儉孝養勛之居數月知叔與娣循循由禮可以事姑也喜而歎曰吾無後憂矣遂絕食死將死語姑曰婦安儉素幸勿以新衣殮遺婦以不安也姑從之殮以所常御敝服史官孫勣曰慷慨赴死易

從容就義難若傳文鳳妻薛氏可謂能爲其難矣夫苟自見以爲難則未有能就義者若薛氏者蓋其中心安之而履焉如素知倫常之重不知有死生之殊者也嗚呼天下讀書窮理號爲士大夫者愧此多矣薛氏庶人子耳而能若是是不可以無傳也余故樂爲書之

王氏陳家節

或無家字

妻夫早逝里人彊有力者欲奪

其志氏懷刃自衛生遺腹子子又死於寇事姑益孝姑歿營葬畢歎曰一家骨肉盡矣我何用生爲遂整衣自縊

李氏王得祿妻事姑孝姑沒祿亡無子李營葬畢

縊於墓側

陳氏朱諤妻幼有志操外舅吳周聚奇之年十九適諤三月而諤亡陳哀慟欲殉念舅姑老乃止後舅姑相繼逝歎曰吾可以死矣遂不食而卒

陳氏薛永祺妻年十七夫亡矢志不二事女紅以養姑姑亡營葬畢絕食而死

王氏范栩妻年十五適栩十八日栩亡欲以身殉念姑老無依而止及姑卒營葬畢絕食五日卒

范氏姬大龍妻夫亡無子堅志守節姑悍不仁數加譴責人有勸之嫁者輒義形於色後遭虐彌甚絕其飲食遂溺井死

閻氏劉鬻妻夫亡無子卽日自經以殉

楊烈女名菊姐父爲縣役年十八未字家苦貧偕母拾遺穗女先歸秦某素無賴入室狎侮之女大呼鄰嫗出視秦始竄女羞忿自縊乾隆二十二年旌

徐氏龐景元妻年二十四夫亡立嗣治葬畢自縊死乾隆二十八年旌

李氏齊天祥妻性貞烈十九歲于歸結縭三月夫病親奉湯藥衣不解帶者三年年二十一夫歿屢遭歲荒翁姑欲氏改適氏痛哭絕氣者數次夫喪畢自縊死年二十四道光十三年彙請總坊

王氏李有祿妻年二十五夫亡欲殉家人勸以翁姑在堂遂代夫盡子職孝養無缺立嗣又瘍復取姪孫爲子嗣及翁姑相繼歿喪葬踰月曰吾事畢矣不食而死年六十五道光十三年彙請總坊

趙氏薛修和繼室年二十歲于歸結縭八月夫亡

欲殉翁止之曰吾年老不能動作前室遺孤二無人撫養汝亡吾何賴焉氏泣涕從命以紡績度日

後翁姑歿爲子取婦語其子曰吾事畢矣越數日

自縊死年五十七道光十三年彙請總坊

教諭張宗泰

節婦詩節義非所慕妾心祇自蠲妾身爲君婦仇麗未終年緣淺思自深土石甘同捐劇索君去日資志赴重泉二老猶在堂蒼蒼各半顛前婦遺孤

群宛宛難自全忍淚復忍死代補有恨天等閒

五秋翁姑送長眠兒婚兒有室重任釋弱肩初願
要一遂妾心金鉏堅不作慷慨死從容亦怡然故
人久相待無庸愴號鵲

劉氏李天祥妻年二十四夫亾氏有淑名初寡居
媒妁爭叩父母之門父母卻之氏不知也葬夫畢
歸省父母父母勉其守節且微示以生不如死之
義氏慨然曰兒本欲終夫喪然後自爲計今二老
憂兒如此兒聞命矣歸家卽自縊道光十三年彙
請總坊

殷氏張奎元繼室年二十一夫亾悲泣不食因念
翁姑年老夫嗣未立勉進飲食旣翁姑繼歿夫弟
一元生子梅貴立爲後乘閒扃戶自縊道光十三

年窠請總坊

秦烈女幼字同里祝廷義之子以家貧童養於祝
歲大祧父玉誘女改聘適祝夫婦出外玉數逼之
女度不能拒憤投井死時年甫十五諸生吳屏等
立石表其墓

教諭蔣周南秦烈女墓表

女子能完貞全節固閨閣中偉人也古有迫於尊
長而矢志靡他若截髮割耳自毀其容往往見諸
史冊然其人多在從夫後一旦喪其所天不幸父
母不諒其志備受淩逼遂致殘軀殉節未有年未
及笄卽能矢志守死如修邑秦烈女者邑諸生吳